

Ժողովուրդ

74
(2924)

5 հունիսի չորեքշաբթի 2024
տպագրության ԺԳ տարի

✉ ք. Երևան, Արմվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԲՈՒՔՄԵՅՔԵՐԱԿԱՆ ԸՆԿԵՐՈՒԹՅՈՒՆԸ ՆԱԵՎ ԹԻՄ ՈՒՆԻ



Տպավորություն է կարծես հայկական ֆուտբոլում քառս է, որը գնալով խորանում ու անկառավարելի է դառնում: Հայաստանի առաջնության այս տարվա հաղթող Երևանի «Փյունիկ»-ը հայտարարում է, որ խաղադաշտի, մարզումների խնդիր ունի եւ ստիպված է դիմել ՈՒԵՖԱ՝ Վրաստանում խաղերն անցկացնելու թույլտվություն ստանալու համար. բրոնզե մեդալակիր «Արարատ Արմենիա»-ն եւս, կարծես թե, լուրջ խնդիրներ ունի ֆեդերացիայի հետ, քանզի Հայաստանի գավաթը նվաճելուց հետո՝ պաշտոնական միջոցառման ժամանակ, գլխավոր մարզիչ Վարդան Մինասյանը հրաժարվեց պարգև ընդունել ֆեդերացիայի նախագահի ձեռքից եւ, ըստ շրջանառվող լուրերի, այժմ ֆեդերացիայից պահանջում են թիմի ղեկավարությունից հեռացնել Մինասյանին, այլապես նրանք էլ «կարժանանան» «Փյունիկ»-ի ճակատագրին: Ավելին՝ առժամանակ առկախվել է ՀՖՖ տեխնիկական կենտրոն-ակադեմիայի մի հատվածի հնարավոր վաճառքը կամ փոխանցումը՝ ըստ էության հաստատելով, որ նման բանակցություններ ընթանում են: Ինչ վերաբերում է արծաթե մեդալակիր «Նոա» ակումբին, ապա ֆուտբոլային որոշ մասնագետներ կարծում են, որ այն ամեն վայրկյան կարող է լուրջ խնդիրներ ունենալ, քանի որ ՈՒԵՖԱ-ն եւ ՖԻՖԱ-ն պայքարում են բուլմեյքերական ընկերությունների՝ ֆուտբոլում աճող ազդեցության դեմ ու վարում են քաղաքականություն, որն ուղղված է վերջիններիս ֆուտբոլից դուրս մղելուն եւ այն «մաքուր» պահելուն, ինչն ավտոմատ նշանակում է, որ այս ակումբը, շատ հավանական է, որ կունենա խնդիրներ: Չի բացառվում նաեւ, որ «Նոա»-ի խոցելի լինելը կարող է օգտագործվել ֆեդերացիայի ղեկավարության կողմից՝ թիմը «կանտրոլի» տակ պահելու համար:

Հիշեցնենք, որ «ՆՈԱ» ակումբի նախագահը Վարդգես Վարդանյանն է, ով «Դի-ջիթեյնի» հիմնադիրն է, որը մինչեւ 2017 թվականը կոչվում էր «Տոտո Գեյմինգ»:
Հ. Գ. ՀՖՖ-ն անհայտիս ղեկավարները, որոնք նախկին լրագրողներ են, կառույցը դարձրել են շատ փակ ու անհասանելի լրագրողներին համար: Մեկն չենք ստանում ոչ հարցումների պատասխաններ, ոչ ունենում ենք բանավոր հարցադրումների հնարավորություն:

«Ժողովուրդ» օրաթերթի տեղեկությունների համաձայն՝ ՀՀ տարածքային կառավարման եւ ենթակառուցվածքների նախարար Գնել Սանոսյանի ծնողների համար առանձնատուն կառուցելու գործընթացի օրինակալուծությունը ստուգում է ՀՀ հակակոռուպցիոն կոմիտեի նախագահի տեղակալ Արտակ Պողոսյանը, որն անձամբ է ղեկավարում կառույցի օպերատիվ գործողությունները: Ինչպես հայտնի է, Հակակոռուպցիոն կոմիտեում «Հետք» հրապակումից հետո ստուգումներ են սկսվել ՀՀ տարածքային կառավարման եւ ենթակառուցվածքների նախարար Գնել Սանոսյանի ծնողների առանձնատան կառուցման փաստով: Տեղեկությունը ArmLur.am-ին հայտնել էին հակակոռուպցիոն կոմիտեի մամուլի ծառայությունից: Հիշեցնենք, որ մինչ նախարար դառնալը՝ արտագնա աշխատանքով զբաղվող (խոսպանչի) Սանոսյանի թոշակառու մայրը մոտ 230 հազար ԱՄՆ դոլար արժողությամբ առանձնատուն է կառուցում: Սանոսյանի խոսնակ Սոնա Հարությունյանը նախարարի անունից հայտնել էր, թե առանձնատունը կառուցում են Սանոսյանի եղբայրները, եւ այնտեղ կոռուպցիա փնտրելը զուր ջանք է, բայց նա այդպես էլ չէր պարզաբանել մինչեւ նախարար դառնալը, երբ Սանոսյանն էլ եղբայրների հետ արտագնա աշխատանքով էր զբաղվում, ինչու 3 եղբայր միասին չէին կարողանում մինչեւ 2018 թվականը մայրաքաղաքում առանձնատուն կառուցել: Հուսանք՝ այս գործը մինչեւ վերջ կքննվի, այլ ոչ թե մյուս աղմկահարույց դեպքերի նման «ծածկադմբոց» կարվի:



«Ժողովուրդ» օրաթերթի տեղեկություններով՝ ՀՀ նախկին արտգործնախարար Վարդան Օսկանյանի գլխավորած՝ Արցախի ժողովրդի հիմնարար իրավունքների պաշտպանության հարցերով հանձնախումբը օրերս կրկին մեկնել է Եվրոպա՝ արտագնա հանդիպումների: Օրակարգը նույնն է՝ արցախցիների՝ Արցախ վերադարձի համար միջազգային երաշխիքներ ստանալը: Հանձնաժողովի կազմում ներգրավված են նաեւ ՀՀ-ի հայ դատի Եվրոպայի գրասենյակի ղեկավար Գասպար Կարապետյանը, նույն կուսակցությունից Մարիո Նալբանդյանը, Արցախի ՄԻՊ Գեղամ Ստեփանյանը, հանրապետական նախկին պատգամավոր Կարեն Բեքարյանը: Արտագնա հանդիպումներից հետո Վարդան Օսկանյանը կրկին կհանդիպի Արցախի կառավարության անդամների եւ պատգամավորների հետ: Ինչպես ArmLur.am-ը ավելի վաղ հայտնել էր, Վարդան Օսկանյանի եւ Արցախի իշխանությունների նախորդ հանդիպման ժամանակ, որը մայիսի 6-ին էր կայացել, Օսկանյանը գնահատել էր հանդիպման արդյունքները՝ միեւնոյն ժամանակ նշելով, որ դեռ շատ աշխատանք կա անելու ցանկալի արդյունքի հասնելու համար:



«Ժողովուրդ» օրաթերթը գրում է. Ազգային ժողովի «Քաղաքացիական պայմանագիր» խմբակցության պատգամավոր, նախկին հաղորդավար Լուսինե Բաղայանը՝ Լույուն, ֆինանսական վիճակը այս տարի եւս բարելավել է: Լուսինե Բաղայանը քաղաքական կարիերան սկսել է 2018-ից՝ ԱԺ պատգամավոր ընտրվելով «Քաղաքացիական պայմանագիր» կուսակցության համապետական ընտրական ցուցակով: 2023 թվականի հայտարարագրում պատգամավորի՝ Ազգային ժողովի աշխատակազմից ստացված եկամուտները նախորդ՝ 2022 թվականի համեմատ ավելացել են գրեթե 2 մլն դրամով՝ 8 մլն 320 հազար դրամից դառնալով 10 մլն 508 հազար դրամ: Լուսինե Բաղայանի հաշվետու տարվա եկամուտներն ընդհանուր առմամբ ավելացել են նախորդ տարի, քանի որ պատգամավոր ԱԺ-ից ստացել է նաեւ 3 մլն դրամ այլ եկամուտ: «Ժողովուրդ» օրաթերթը տեղեկացավ, որ պատգամավորը Արարատի մարզի Այնթափ համայնքում ունի համատեղ սեփականության իրավունքով ձեռք բերված հողամաս, նաեւ Աջափնյակ վարչական շրջանում, կրկին համատեղ սեփականության իրավունքով բնակարան՝ ձեռք բերված 2013 թվականին: ԶՊ-ական պատգամավորն ունի նաեւ մեկ այլ բնակարան, որը նրա հայտարարագրում արտացոլվել է դեռեւս 2022 թվականին: ԱԺ պատգամավորի լրացրած տվյալներից հասկանում ենք, որ նրա կողմից ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 47 մլն 900 հազար դրամ: Հենց այս բնակարանի համար Լուսինե Բաղայանը ՀՀ Ֆինանսների նախարարությունից ստացել է 2 մլն 523 հազար դրամ, որը եկամտահարկի վերադարձի օրենքով բնակարանի հիփոթեքի տոկոսադրույքները վճարելու համար է: ԶՊ-ական պատգամավորը մեքենա չունի: Պատգամավորի կանխիկ դրամական միջոցները կազմել են 6 հազար 300 դոլար եւ 4 մլն 900 հազար դրամ, բանկային հաշիվների մնացորդները՝ 711 հազար դրամ: 2022 թվականի համեմատ նրա դրամական միջոցները զգալի ավելացել են՝ 2 հազար 300 դոլարով եւ 1 մլն 400 հազար դրամով, իսկ բանկային հաշիվների մնացորդները՝ 513 հազար դրամով: **Շարունակությունը՝ ArmLur.am կայքում:**



ԶՐՈՒՅՑ

ՀՀ-ՈՒՄ ՏԵՂԻ ՈՒՆԵՑԱԾ ԱՂԵՏԻ ՄԱՍԻՆ

Հազվի առնելով երկրում առկա բազմաբնույթ խնդիրները, երկրի արտաքին և ներքին քաղաքականության ուղիղ կառուցմանը երկրի սննդամթերքի «Ժողովուրդ» օրաթերթը այսօր գրուցել է վերլուծաբան, սննդամթերքի Գազիկ Մակարյանի հետ:

Տնտեսագետի հետ զրուցել ենք մայիսի 26-ին տեղի ունեցած աղետից, անշարժ գույքի ոլորտում տիրող իրավիճակից և այլ հուզող և ակտուալ թեմաներից:

«Պարոն Մակարյան, այսօր կցանկանամ խոսել մայիսի 26-ին Լոռու և Տավուշի մարզերում տեղի ունեցած աղետից: Շատերը կասեն, որ դա բնական աղետ էր, շատերն էլ կարծում են, որ այն մարդածին է եղել, քանի որ կոտորած էր, թե ինչ որ քարաթափում է եղել, որը լցվել է ջրամբարները, ինչից էլ ամեն բան սկիզբ է առել: Խնդրում եմ մեկնաբանել, թե ըստ Ձեզ՝ սա մարդածին է, թե՛ բնական աղետ է:

«Այնպես է, որ դա աղետ է, սակայն ծագման աղբյուրը դեռևս հայտնի չէ: Դա պիտի ուսումնասիրեն համապատասխան մարմինները: Շատ դեպքեր կան, երբ ժամանակ առ ժամանակ կարող են ֆորս-մաժորային իրավիճակներ առաջանալ բազմաթիվ անփութությունների և սխալների հետևանքով: Օրինակ՝ նախկինում եղել են պայթյուններ, երբ «Նաիրիտ» գործարանն էր աշխատում, կամ գեներալ պահեստների հետ կապված խնդիրներ, ջրամբարների, հիդրոէլեկտրակայանների և տարբեր նմանատիպ երեւոյթներ, բայց ամենակարևորն այն է, թե պետությունը կամ համայնքը, որտեղ դեպքը տեղի է ունենում, իր առաջին արձագանքման կարողություններով որքանով է համապատասխանում հարցերի կարգավորմանը:

Մենք նկատեցինք, որ առաջին օրերին խուճապ կար մի քիչ: Հայաստանում նման երեւոյթներ, ջրի հետ կապված խնդիրներ չէին եղել, այլ աղետներ եղել են, բայց ոչ



ջրային. և մաշստաբը բավականին մեծ էր: Կարծում ենք, որ հակառակ փորձի պակասին՝ կառավարության մի շարք ենթակառուցվածքներ կարողացան տիրապետել իրավիճակին: Արտակարգ իրավիճակների պատրաստվելը շատ կարևոր խնդիր է:

Մենք հիմա էլ նկատում ենք, որ արտակարգ իրավիճակներում բացակայում են և ներառված չեն գործառույթները, որոնց հետ պետական մարմինները կարող էին աշխատանք տանել, որպեսզի նրանք էլ իրենց անձնակազմներին զգուշացնեն, նախապատրաստեն և ուսուցանեն, իրենք ներգրավված լինեն սեփական տեխնիկայով, հումքով, սնունդով: Մյուս կողմից էլ քաղաքացիները. պետական մարմինները հաճախ սիրում են հարցերը ինքնուրույն լուծել, և այդ ընթացքում ոտքները քարին է դնում, ինչպես որ հիմա է:

Եվ ինչ ստացվեց: Այսպես երկարում է գործընթացը, մահացության դեպքեր, տուժած քաղաքացիներ, տուժած փոքր բիզնես:

Այս հարցում պետական աջակցությունը շատ կարևոր է, ինչը շատ ծախսատար չէ: Իմ հաշվարկով՝ մոտ 2 միլիոն դոլար է պետք բիզնեսի ու քաղաքացիների փոխհատուցելու համար, քանի որ քաղաքացիներն էլ իրենց ունեցվածքն են կորցրել, կահույք, տան վերանորոգություն և այլն: Այդ ամենը միասին հնարավոր է մոտ 2 միլիոնի ծախս լինեն: Այսինքն՝ պետության համար այսօրվա պայմաններում, երբ բյուջեն զգալի գումարներ է ստանում, լավ կլինի այդ հարցը լուծվի: Հակառակ դեպքում կլինի մաշցողալիս դժգոհություն ուղղված պետության դեմ, որը կամ միգրացիայի հիմք կլինի, կամ դժգոհության:

Զրուցեց ԱՆՆԱ ՍՄԱԿՈՒՆՅԱՆԸ

ԿԱՐԵՎՈՐ ԱՆԴՐԱԴՂՈՐԶ

ՇԱՐԺՄԱՆ ԸՆԹԱՑՔԸ ԵՎ ՓՈՒԼԵՐԸ

Շարժման ընթացքը, որտեղ ենք, և ինչից է դեռ խոսափել:

- Իշխանությունը գնում է մարման. սա հուշում է հավաքական փորձառությունը և շարժման ընթացքը:
- Ամենադժվար փուլը հաջողել է ստեղծվել է զգալի կայուն կորիզ: Հայաստանում ձեռավորվել է նոր խոշոր ընտրազանգված, որի պահանջը խորքային փոփոխությունն է:
- Շարժումը մի քանի ճշգրիտ ձեռնարկներով և արտաքին աշխարհի համար սկսել է ընկալվել որպես Հայաստանի ներքին գործ, որը սպառնալիք չէ տարածաշրջանի համար:
- Շարժումը թակել է ամենամեծ ընտրազանգվածի՝ մշտական դիտորդների, տատանվողների դուռը. և այդ դռները սկսում են բացվել:

Այսպիսով՝ ունենք դրական ալիքի վրա ընթացող շարժում, որն ունի թափ հավաքելու մեծ պոտենցիալ: Եվ եթե չանենք կոպիտ սխալներ, հենց այդպես էլ լինելու է:

Ինչ է անում իշխանությունը. փորձում է պահել իր իշխանությունը: Ինչպե՞ս.

- Հակաքաղաքականություն (Արվում է առավելագույնը, արդյունքը խիստ սահմանափակ է)
- Բիրտ ուժ, ռեպրեսիաներ (արվում է և արվելու է, բայց սա ունի իր հակաթույլը, որի մասին՝ հաջորդ անգամ):

● Սպասում է շարժման սեփական սխալներին (ամենավտանգավորը սա է, եթե չլինեն այդ սխալները կամ հասցվեն հնարավոր միջամտումներ, իշխանության դիմադրելու ռեսուրսները մաշվելու-վերջանալու են):

● Շարժման պարտությունն ամբողջ հասարակության պարտությունն է, հետեաբար՝ այն պետք է հարթի

● Թրեյնը պետք է մնա նույնը. դրական ալիքն ունի աճելու զգալի պոտենցիալ: Պետք է գնալ հենց այդ ուղղությամբ:

● Շարժումը չպետք է վերածվի ԸՆԴՂԻՍՈՒԹՅԱՆ: Համաժողովրդական շարժումն իր հանդարտությամբ, համառությամբ, հաշտության հաստատակամությամբ, իր բովանդակությամբ, կարգերով, ծրագրերով, ապագայի տեսլականով, պատրաստվածությամբ, հանրային առեւտրի մշտական ալիքով պետք է վերածվի իշխանության: Սա հանրային առողջացման պրոցես է, ոչ թե քաղաքական պայքար: Այստեղ «Եթե» չկա. շարժման պարտությունը հերթական ընդդիմության պարտությունը չէ, այն ամբողջ հասարակության ու մեր հեռանկարի պարտությունն է:

● Պետք է ընդունել նաև, որ հասարակության մեջ կան կարևոր հարցեր, որոնք շարժումը դեռ չի անդրադարձել (սոցիալական թեմաներ, սոցիալական արդարության հարցեր, համակեցության խնդիրներ և այլն, որոնք կան հանրային հավաքական մտքում, և սրանք պատասխանների են սպասում): Դրանք այն հարցերն են, որոնք կարող են շարժման շուրջ մարդկային և հանրային համայնքման նոր ռեսուրս ստեղծել: Իսկ սա արդեն ֆիզիկա է, ոչ թե քաղաքագիտություն: Նման մշտանը ոչ մի իշխանություն չի դիմանա:

● Իշխանության ամենագործուն լծակը բերետավորն է: Շարժումը պետք է ամեն կերպ զրկի իշխանությանն այդ գործիքը կիրառելու հնարավորությունից: Նախորդ շաբաթների Սրբազանն ունենում էր բազմաթիվ կարևոր հանդիպումներ սոցիալական և մասնագիտական շրջանակի հետ, խոսում էր կարևորագույն թեմաներից և տալիս էր կարևոր ուղեորներ՝ հասարակությանը և արտաքին աշխարհին: Նիկոլ, ըստ էության, երեւանում և երկրում չկար, դա էր ընթացքը, և դա էր շարժման թափ հավաքելու պատճառը: ՄԵԿ հոգին զրկված էր իր սիրած գործիքը՝ բերետավորին օգտագործելու հնարավորությունից: Իշխանական հակաթեզերը արհեստական էին ու չաշխատեցին: ՄԵԿ հոգին դա ֆիքսեց: Իշխանությունը մոտ տասը օր չգիտեր՝ ինչ աներ: Այս պայմաններում իշխանությունը երազում է, որ դու ստեղծես հնարավորություն, թույլ տաս, որ նա կիրառի իր միակ գեները՝ բերետավորին: Շարժման խնդիրն է՝ այս պահին սա թույլ չտալ:

Վախե Հովհաննիսյան
Այլընտրանքային նախագծեր խումբ



ՄԱՐԿԱՄԻՐԱԿԱՆ ՕԳՆՈՒԹՅՈՒՆ՝ ԵՎԵՅՑԱՐԻԱՅԻՑ

Տեղատարափ անձրեւների հետեւանքով Հայաստանի հյուսիսային շրջաններում առաջացած ջրհեղեղները մարդկային զոհերի և խոշոր կյուրակալ վնասների պատճառ են դարձել: Ավելի քան 400 մարդ տարհանվել է: Բազմաթիվ ենթակառուցվածքներ, մասնավորապես ճանապարհներ և կամուրջներ, ինչպես նաև գազատարներ և ջրամատակարարման համակարգեր, վնասվել կամ շարքից դուրս են եկել: Որոշ գյուղերում տներ են փլուզվել, իսկ ցեխը և ջուրը գրեթե երկու մետր բարձրացել են:

Հաշվի առնելով աղետի ծավալները՝ Հայաստանի իշխանությունները օգնություն ստանալու նպատակով դիմել են Եվրամիության քաղաքացիական պաշտպանության (EUCPM) համապատասխան մեխանիզմներին՝ խնդրելով մասնավորապես գործուղել քաղաքացիական շինարարության ոլորտի ճարտարագետներ:

Շվեյցարիան անմիջապես արձագանքել է այս խնդրանքին՝ առաջարկելով համապատասխան օգնություն: Ստանալով Հայաստանի իշխանությունների դրական պատասխանը և շահագրգռությունը՝ Շվեյցարական զարգացման և համագործակցության գործակալությունը (SDC) Հայաստան է գործուղում Մարդասիրական օգնության կորպուսի (SHA) ութ մասնագետ, այդ թվում՝ ճարտարագետներ և տեխնիկական մասնագետներ: Նրանք Շվեյցարիայից Հայաստան են մեկնել երեկ երեկոյան՝ նպատակ ունենալով աջակցելու Հայաստանի իշխանություններին՝ վնասված կամուրջների և այլ ենթակառուցվածքների գնահատման հարցում:

Շվեյցարական զարգացման և համագործակցության գործակալությունը (SDC), որ արդեն իսկ ներկա էր Հայաստանում և Հարավային Կովկասում, հրատապ արձագանքման այս ծրագրի համար նախատեսել է մինչև 500 000 շվեյցարական ֆրանկ աղետի գոտում, որը նաև երկրի ամենակարիքավոր շրջանների թվում է: Միաժամանակ Շվեյցարիան շարունակում է ուշ-ուշով հետևել Եվրոպայում և հարեան երկրներում հեղեղումների իրավիճակին: Շվեյցարիան պատրաստ է արագ արձագանքելու յուրաքանչյուր օգնության դիմումի:

ԻՐԱԿԱՆԱՑՐԵԼ ԵՆ ՀԱՄԱՏԵՂ ԶՈՐԱՎԱՐԺՈՒԹՅՈՒՆ

Հունիսի 4-ին Բաքվի մոտ տեղի են ունեցել «Կովկասյան արժիվ-2024» համատեղ զորավարություններ՝ Ադրբեյջանի, Թուրքիայի և Վրաստանի հատուկ նշանակության ուժերի մասնակցությամբ: Այս մասին տեղեկացրել են ադրբեյջանական ՋԼՍ-ները:

Բացման արարողությանը ներկա էր Ադրբեյջանի ՋՈՒ հատուկ նշանակության ուժերի հրամանատարի պաշտոնակատար, գեներալ Ալիֆ Փիրվերդի-եւը:

Մասնակիցների թվաքանակի, ժամկետների և ծրագրի մասին չի տեղեկացվում:

ԻՐԱՎԻՃԱԿ

ԱՆՊՐԱՂԱՐՁ

ԲԱՐՉՐԱՅԵԼ Է Ա. ԱՌՈՒՇԱՆՅԱՆԻ ԱՇԽԱՏԱՎԱՐՉԸ

ԱՄՆ-Ե ԹՇՆԱՄԱԿԱՆ ԵՐԿԻՐ Է ՌԳ-Ի ՂԱՄԱՐ

ԱՄՆ-ն այժմ թշնամական երկիր է Ռուսաստանի համար, ինչպես Ռուսաստանը՝ ԱՄՆ-ի համար: Այս մասին ճեպագրույցում ուշադրություն է հրավիրել ՌԳ նախագահի մամուլի քարտուղար Դմիտրի Պետկովը՝ մեկնաբանելով ԱՄՆ Պետդեպարտամենտի մերժումը երկրից դուրս թողնել նախկին հետախույզ Ալեքսեյ Լևոնտևին՝ Սանկտ Պետերբուրգի միջազգային տնտեսական ֆորումին մասնակցելու համար:

Պետկովը նշել է, որ հետախուզական ծառայության նախկին աշխատակիցները կարող են ենթարկվել ճանապարհորդության սահմանափակումների «հատկապես թշնամի երկիր» մեկնելու դեպքում:

«Եվ հիմա մենք նրանց համար թշնամի երկիր ենք, ինչպես իրենք են մեզ համար»,- նշել է Կրեմլի ներկայացուցիչը:

ՀԱՆՐԱՂԱՎԱՐՍՈՒԹՅԱՆ ՍՈՒԹՔՈՒՄ

Հունիսի 4-ին Սուրբ Աննա եկեղեցու բակից Բագրատ Սրբազանը հայտարարեց, որ կմեկնեն Վարդենիս: «Սոթքում ժամը 6-ին հանրահավաք ունենք: Ուզում եմ Սոթքում լինի, որովհետև սահմանի ակնառու վայրն այդտեղ է»,- ասաց նա:

Սրբազանը նշեց, որ առաջիկայում կլինեն նաև Սյունիքում, սակայն չհստակեցրեց, թե դա երբ կլինի:

«Սյունիք գնալու խնդիրը դեռ պետք է ժամանակային առումով լուծենք, քանի որ այստեղ՝ Երեւանում, շատ կարևոր գործառնություններ անելու, շատ-շատ կարևոր է դա, այս ամբողջ ընթացքի մեջ, երեւի թե ամենակարևորներից մեկն է», - ասաց նա:

Ի դեպ, հայտարարեցին, որ կողմակիցներից մեկին երթի ընթացքում ուստիկանները «գողացել են»:

«Ում մի քիչ հեռացած տեսնում են՝ տանում են», - ասաց երթի մասնակիցներից մեկը:

ՀՀ-ՖԻՆԼԱՆԴԻԱ ՀԱՐԱԲԵՐՈՒԹՅՈՒՆՆԵՐ

Տեղի է ունեցել վարչապետ Նիկոլ Փաշինյանի հեռախոսազրույցը Ֆինլանդիայի նախագահ Ալեքսանդր Ստուրի հետ:

Զրուցակիցները քննարկել են Հայաստան-Ֆինլանդիա հարաբերությունների հետագա զարգացմանն ու ընդլայնմանը վերաբերող հարցեր: Մասնավորապես՝ կարևորվել է տնտեսական փոխգործակցության ընդլայնման ուղղությամբ հետեւողական քայլերի իրականացումը:

Նիկոլ Փաշինյանը եւ Ալեքսանդր Ստուրն անդրադարձ են կատարել Հայաստան-Եվրոպական միություն համագործակցության խորացմանը, մեր երկրում իրականացվող ժողովրդավարական բարեփոխումներին, ինչպես նաև Հայաստան-Ադրբեջան խաղաղության գործընթացին եւ տարածաշրջանային անվտանգությանը վերաբերող հարցերին:

ՀՀ վարչապետ Նիկոլ Փաշինյանին կուռք դարձրած Սյունիքի մարզի Գորիս համայնքի ղեկավար Առու Առուսանյանը, որ ստորագրում է Նիկոլ Փաշինյանի ամեն խոսքի սակ, այս անգամ «ուղուց շեղվել» է:

Վարչապետը հայտարարում էր, որ ՀՀ ինքնիշխան տարածքը 12 հազար 743 քառ. կիլոմետր է, իսկ Առուսանյանը MediaHub-ի հետ զրույցում ասել է, որ իր համար Հայաստանի Հանրապետության սահմանը Մեծ Հայքի քարտեզն է՝ 15 նահանգներով եւ 641 հազար քառակուսի կիլոմետրով:

Առուս Առուսանյանը 2008 թվականի օգոստոսից հիմնադրել է «Գոր Մետալ» ՍՊԸ-ն եւ զբաղվել է ձեռնարկատիրական աշխատանքներով: Համայնքի ղեկավար է ընտրվել 2017 թվականի նոյեմբերի 5-ին, ապա 2021 թվականի հոկտեմբերի 17-ին համայնքի ավագանու համամասնական ընտրակարգով հերթական ընտրության արդյունքում կրկին ընտրվել է համայնքի՝ համամասնական ընտրակարգով համայնքի ղեկավար:

Ինչն է, անդրադառնալով Առուս Առուսանյանի 2023 թվականի գույքի, եկամուտների, ծախսերի եւ շահերի հայտարարագրին՝ արձանագրում ենք, որ նախորդ՝ 2022 թվականի հայտարարագրի համեմատ Գորիսի համայնքապետի աշխատանքի վարձատրությունն ավելացել է:

Առուս Առուսանյանը 2022 թվականի հաշվետու տարում ստացել է տարեկան 2 մլն 152 հազար դրամ աշխատանքի վարձատրություն՝ ՀՀ Սյունիքի մարզի Գորիս համայնքապետարանի աշխատակազմի կողմից, իսկ 2023 թվականի հայտարարատու տարում ստացել է 2 մլն 778 հազար դրամ՝ աշխատանքի վարձատրություն:

Ստացվում է, որ Առուսանյանի աշխատանքի վարձատրությունը մեկ տարում ավելացել է 600 հազար դրամով. եթե առաջ Առուսանյանն ամսական ստանում էր գրեթե 179 հազար դրամ, ապա այժմ ամսական ստանում է 231 հազար դրամ:

Առուսանյանի բանկային հաշիվների մնացորդները կազմել են 268 հազար դրամ, իսկ նախորդ տարվա կանխիկ դրամական միջոցները՝ 300 հազար դոլարը, 100 հազար եվրոն եւ 210 մլն դրամը նվազել են՝ դառնալով 300 հազար դրամ, 100 հազար դրամ եւ 210 մլն դրամ:

ՕՐՎԱ ԽՃԱՆԿԱՐ ԱՆԿԱՐԱՅԻ ԱՆԿԱՎԱԼԻՔՆԵՐԸ

Անկարան ողջունում է Բաքվի եւ Երեւանի միջեւ բանակցություններում առաջընթացը եւ ակնկալում է խաղաղության պայմանագրի շուտափոյոջ ստորագրում: Այդ մասին հայտարարել է Թուրքիայի նախագահ Ռեջեփ Էրդողանը Բաքվի էներգետիկ շաբաթվա բացման արարողության մասնակիցներին ուղղված ուղերձում:

Թուրքիայի նախագահը շնորհավորել է Ադրբեջանին ՄԱԿ-ի Կլիմայի փոփոխության մասին շրջանակային կոնվենցիայի կողմերի համաժողովի 29-րդ նստաշրջանը (COP 29) հյուրընկալելու կապակցությամբ:

«Թուրքիան պատրաստ է ցանկացած աջակցություն ցուցաբերելու Ադրբեջանին այդ միջոցառման անցկացման հարցում», - ասված է ուղերձում, որն ընթերցել է երկրի էներգետիկայի եւ բնական պաշարների նախարար Ալիբարալան Բայրաքթարը:

Էրդողանի ուղերձում նաև նշվում է, որ Անկարայի եւ Բաքվի համագործակցու-



Հարցական է, թե ինչու են հայտարարագրում նույն թվերը պահպանվել, սակայն փոխարժեքն այս անգամ դրամով է ներկայացրել:

Առուսանյանի հայտարարագրում բացակայում է ծախսերի մասին հատվածը:

Առուս Առուսանյանի տրանսպորտային միջոցը, որը բոլոր տարիների հայտարարագրերում անկա է պահպանվել՝ ZIL մակնիշի 1930 թվականի արտադրության մեքենան է, որը գնվել է 2016 թվականին:

Առուսանյանի անշարժ գույքերը նախորդ տարվա համեմատ փոփոխություն չեն կրել: Պահպանվել է Գորիս համայնքում գտնվող 2 հողամասը, որից մեկը 2019 թվականին համայնքապետը նվիրատվություն է ստացել: Պահպանվել է Հայաստանի Հանրապետության օրենսդրության համաձայն նոր կառուցված, ձեռք բերված եւ անշարժ գույքի կադաստր վարող լիազոր մարմնի կողմից հաշվառված ու գնահատված այն շինությունները եւ արտադրական նշանակության շինությունը, որոնք կրկին գտնվում են Գորիս համայնքում:

Հարցական է, թե այս ունեցվածքի ֆոնին Առուս Առուսանյանի, որ արժանիքի համար է նրա աշխատանքի վարձատրությունն ավելացել ՀՀ պետական ֆինանսական միջոցներից:

Հիշեցնենք, որ Azdarar.am-ից դեռ 2023 թվականի դեկտեմբերին տեղեկացել

էինք, որ Գորիսի համայնքապետ Առուս Առուսանյանն ապօրինի ծագում ունեցող գույքի բռնագանձման գործով ծանուցագիր է ստացել՝ հրավիրվելով դատախազություն:

Նաև Առուսանյանն այն շրայլ համայնքի ղեկավարն է, ով գնել է 000 00 00 գույք համարանիշը:

«Ժողովուրդ» օրաթերթին հայտնի էր դարձել, որ համարանիշները ձեռք է բերվել «Առանցք» ՍՊԸ-ի կողմից: Ուսումնասիրության արդյունքում ՀՀ Արդարադատության նախարարության իրավաբանական անձանց պետական ռեգիստրից տեղեկացել էինք, որ «Առանցք» ՍՊԸ-ն պատկանում է Գագիկ Սամվելի Առուսանյանին, ով ՍՊԸ-ի տնօրենն է:

Ըստ ՀՀ ընտրողների պետական ռեգիստրի՝ Գագիկ Առուսանյանը բնակվում է Սյունիքի մարզի Գորիս համայնքում եւ գրանցված է նույն հասցեում, որտեղ գրանցված է նաև Գորիսի համայնքապետ Առուս Առուսանյանը, այսինքն՝ Գագիկ Առուսանյանը համայնքապետի հայրն է:

«Ժողովուրդ» օրաթերթի տեղեկությունների համաձայն՝ համարանիշները գրանցված են Mercedes-benz G63 AMG 4.0 մեքենայի վրա:

ԷՄՍՍ ՄԻՔԱՅԵԼՅԱՆ

թյունը էներգետիկ ոլորտում օգուտ կբերի ամբողջ տարածաշրջանին: Նա ընդգծել է, որ երկու երկրների կապերն ամուր են բոլոր ոլորտներում:

ՄԱՀՄԱՆԱԳՐԱԿԱՆ ՓՈՓՈԽՈՒԹՅՈՒՆ

Եվ Հայաստանը, եւ՝ Ադրբեջանը միմյանց սահմանադրություններում խոչընդոտներ են տեսնում երկարատե խաղաղության հաստատման համար, սակայն դրանցում փոփոխություններ անելու հարցը երկու երկրների բանակցությունների օրակարգի մաս չի կազմում:

Այս մասին ասաց Հայաստանի արտաքին գործերի նախարար Արարատ Միրզոյանը Աժ մշտական հանձնաժողովների համատեղ նիստում «ՀՀ 2023 թվականի պետական բյուջեի կատարման մասին» տարեկան հաշվետվության քննարկմանը՝ անդրադառնալով ընդդիմադիր «Հայաստան» խմբակցության պատգամավոր Արմեն Ռուստամյանի հարցին:

«Եվ Ադրբեջանը, եւ՝ Հայաստանը բարձրաձայնել են դիրքորոշում համաձայն որի

յուրաքանչյուրը մյուսի Սահմանադրության մեջ էական խնդիրներ են խոչընդոտներ է տեսնում երկարատե խաղաղության հաստատման համար: Սա ամենեւին չի նշանակում, որ, օրինակ, Հայաստանում սահմանադրական փոփոխությունների հարցը Հայաստանի եւ Ադրբեջանի միջեւ բանակցությունների առարկա է կամ օրակարգի մաս, այդպիսի բան չկա», - ասաց ԱԳ նախարարը:

Նա հավելեց՝ համոզվում ենք, որ եւ՝ Հայաստանի, եւ՝ Ադրբեջանի Սահմանադրությունը մեծ հաշվով չի կարող խնդիր լինել իրավական առումով երկարատե խաղաղության հաստատման համար:

«Հայաստան-Ադրբեջանի բանակցությունների օրակարգի մաս ո՛չ մեր, ո՛չ իրենց Սահմանադրության փոփոխությունները չեն կազմում», - կրկնեց Միրզոյանը:

ԱԳ նախարարը հիշեցրեց, որ ՀՀ կառավարությունը Հայաստանի Սահմանադրության փոփոխության մասին խոսել է դեռ 2018 թվականից: Սա Հայաստանի գործն է, ներքին որոշելիք է:

ՄԵՂԱԳՐԱՆՔ

ԿԱՇԱՌՔ ՄՏԱՆԱԼՈՒ ԴԵՊՔԵՐ

ՀՀ ազգային անվանգույքյան ծառայությունից ստացված նյութերի հիման վրա՝ ՀՀ հակակոռուպցիոն կոմիտեում նախաձեռնված ֆրեական վարույթով կասարված նախաքննությամբ հիմնավորվել է, որ Շիրակի մարզպետի աշխատակազմի ստորաբաժանումներից մեկի ղեկավար Խ. Խ.-ն սարքեր ժամանակահատվածներում մարզպետարանի և Շիրակի մարզի համայնքապետարանների հետ ռազմամագրեր կնքած՝ կառուցադասման ու ճանադարհաչինարարական աշխատանքներ իրականացնող մի ԵԱԲԸ ընկերությունների ներկայացուցիչներից ստացել է ընդհանուր 1.700.000 ՀՀ դրամ կաշառք, ընդ որում, երկու ղեկավար՝ մարզպետարանի մեկ այլ ղեկավար անձի հետ խմբի կազմում:



Նախաքննությամբ պարզվել է, որ Խ. Խ.-ն, օգտագործելով իր ծառայողական լիազորությունները, վերը նշված ընկերությունների կողմից Շիրակի մարզի տարբեր համայնքներում իրականացվող սուբվենցիոն և այլ ծրագրերի շրջանակում ավարտված շինարարական օբյեկտների ավարտական ակտերը ստորագրելու, վճարվելիք գումարի չափն ավելացնելու, ինչպես նաև կատարողական ակտերի ստորագրման և կնքման գործընթացներն իրականացնելու համար ինչպես անձամբ, այնպես էլ իր ղեկավարած ստորաբաժանումն ազգային ծառայության Մ. Ա.-ի միջոցով, 2023թ. հոկտեմբերից ղեկավարելով ընկած ժամանակահատվածում, հիշյալ աշխատանքները կատարած ընկերությունների ներկայացուցիչներից, այդ թվում՝ նրանցից մեկի հետ փոխկապակցված՝ Արթիկի համայնքապետարանի պաշտոնյա Ա.Յ.-ից, պահանջել է որպես կաշառք ստացել է 100.000-ից 1.000.000 ՀՀ դրամ (ընդհանուր՝ 1.700.000 ՀՀ դրամ):

Ճանցից Խ. Խ.-ին մեղադրանք է ներկայացվել ՀՀ քրեական օրենսգրքի 435-րդ հոդվածի 2-րդ մասի 1-ին կետով (2 դրվագ), 435-րդ հոդվածի 2-րդ մասի 2-րդ կետով և 435-րդ հոդվածի 1-ին մասով (3 դրվագ), իսկ Մ. Ա.-ին՝ 435-րդ հոդվածի 2-րդ մասի 1-ին կետով (2 դրվագ): Վերջիններիս կաշառք տված ընկերությունների 6 ներկայացուցիչներին էլ մեղադրանքներ են ներկայացվել ՀՀ քրեական օրենսգրքի 436-րդ հոդվածի 1-ին մասով և 436-րդ հոդվածի 2-րդ մասի 2-րդ կետով: Նախաքննության ընթացքում հակակոռուպցիոն կոմիտեի քննիչի միջնորդությունների հիման վրա՝ Խ. Խ.-ի, Մ. Ա.-ի և Ա. Յ.-ի նկատմամբ որպես խափանման միջոց է կիրառվել կալանքը, որը հետագայում, դատարանի որոշմամբ, փոխարինվել է տնային կալանքով: Քրեական վարույթով նախաքննությունն ավարտվել է, և վարույթի նյութերը մեղադրական եզրակացությամբ ուղարկվել են դատարան՝ ըստ էության քննվելու համար: Ծանուցում. հանցագործության համար մեղադրվողը համարվում է անմեղ, քանի որ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ՔՆՍՐ ՄՍՆՈՒԿՅԱՆ

ՔՐԵԱԿԱՆ ՔՐՈՆԻԿՈՆ

ՋԻՆԾԱՌԱՅՈՂԻ ՀԱՅՐԸ ՎՆԱՍԵԼ Է ԻՆՔՆ ԻՐԵՆ

«ժողովուրդ» օրաթերթի տեղեկություններով՝ հունիսի 3-ին ուշագրավ դեպք է եղել Գյումրիում: Ժամը 20:55-ին 1960 թվականին ծնված Գ.Յ.-ն, իմանալով, որ պայմանագրային զինծառայող որդուն խմածության համար աշխատանքից ազատել են, դանակով վնասել է դաստակները: Վերջինիս շտապ տեղափոխել են հիվանդանոց, կյանքին վտանգ չի սպառնում:

Ք. ՄՍՆՈՒԿՅԱՆ

Նկատմամբ բռնություն գործադրելու դեպքի առթիվ նախաձեռնված քրեական վարույթի նախաքննությունը: Իրականացված ապացուցողական և վարույթային գործողությունների արդյունքում պարզվել է, որ 2024թ. մայիսի 10-ին՝ ժամը 10:50-ի սահմաններում, մի խումբ քաղաքացիներ, երեսնամեղի միջապետական 125-րդ կամավորական ավտոճանապարհի 125-րդ կմ հատվածում երթևեկության մասնակիցների համար խոչընդոտ ստեղծելով, տրանսպորտային միջոցները կայանել են ճանապարհի երթևեկի մասում այդ կերպ իրականացնելով անհնազանդության ակցիա: Այդ ընթացքում ոստիկանության ծառայողները միջապետական նշանակության ավտոճանապարհին իրականացրել են հասարակական կարգի պահպանություն, ճանապարհային երթևեկության անվտանգության ապահովման նպատակով ապահովել միջապետական ճանապարհով տրանսպորտային միջոցների անխափան երթևեկությունը: Ոստիկանության ծառայողները, ունենալով իրենց լիազորությունների իրականացմանը խոչընդոտող գործողությունները դադարեցնելու պահանջ ներկայացնելու իրավունք, նշված տեղանքում ճանապարհային երթևեկությունը կարգավորելու նպատակով պահանջել են երթևեկության մասնակիցների համար խոչընդոտ ստեղծող համար խոչընդոտ ստեղծող վարորդներին և ստեղծող վարորդներին կանգնած տրանսպորտային միջոցները հեռացնել, ինչին ի պատասխան՝ բողոքի ակցիային մասնակցող վարորդները հրաժարվել են այդ պահանջները կատարել, և երբ ոստիկանության ծառայողներից մեկը փորձել է «Վազ Պրիորա» մակնիշի տրանսպորտային միջոցի ձեռքի արգելակին իջեցնելու միջոցով այն դուրս բերել ճանապարհի երթևեկի հատվածից և ազատել այն, բողոքի ակցիայի մասնակիցների և ոստիկանների միջև սկսվել է քաջքռուկ, որի ընթացքում ակցիայի մասնակիցներից մեկը՝ Վայք քաղաքի 19-ամյա բնակիչը, հարվածներ է հասցրել ոստիկանության նշված ծառայողի մեջքի շրջանին և քաջքռուկը նրան՝ պատճառելով ֆիզիկական ցավ: Ձեռք բերված բավարար փաստերի հիման վրա երիտասարդին մեղադրանք է ներկայացվել՝ ՀՀ քրեական օրենսգրքի 452-րդ հոդվածի 3-րդ մասով: Վերջինիս նկատմամբ որպես խափանման միջոց կիրառվել է կալանքը՝ 2 ամիս ժամանակով: Նախաքննությունն ավարտվել է, վարույթի նյութերը մեղադրական եզրակացությամբ ուղարկվել են հսկողություն իրականացնող դատախազին:

ՔԱՇՔՇՈՒԿ

ՔԱՂԱՔԱՊԵՏԻ ԵՂԲՈՐ ԵՎ ՊԱՐԵԿԻ ՄԻՋԱԳԵՊԸ

ՀՀ քննչական կոմիտեի Սյունիքի մարզային քննչական վարչությունում իրականացված քննչական և վարույթային գործողությունների արդյունքում պարզվել են Կապան քաղաքի երկու բնակիչներ Գ.Փ.-ի և Մ.Յ.-ի կողմից ոստիկանության աշխատակիցների օրինական ծառայողական գործունեությանը միջամտելու դեպքի հանգամանքները:

Քննությամբ ձեռք բերված փաստական տվյալներով՝ հիմնավորվել է, որ 2024թ. մարտի 10-ին ՀՀ ՆԳՆ ոստիկանության պարեկային ծառայության աշխատակիցները, «Շկոդա» մակնիշի ավտոմեքենայով գիշերային հերթափոխով ծառայություն իրականացնելիս ժամը 04:30-ի սահմաններում, ծայնային և լուսային ազդանշանով կանգնելու հրահանգ են տվել Գ.Փ.-ի անվամբ հաշվառված, մեկ այլ անձի կողմից վարած «Toyota LC 150 4.0 GAS» մակնիշի ավտոմեքենային, սակայն վերջինս շարունակել է վարել ավտոմեքենան և կայանել է Կապան քաղաքի Գարեգին Նժդեհի փողոցում գտնվող առանձնատան դիմաց: Դրանից հետո պարեկային ծառայողները մոտեցել են նշված ավտոմեքենային, որից իջել են վարորդը և Կապան քաղաքի վերոնշյալ բնակիչները: Պարեկները վարորդից պահանջել են ներկայացնել փաստաթղթերը, որից հետո Գ.Փ.-ն ոստիկանության ծառայողի օրինական ծառայողական գործունեությանը՝ վարորդի փաստաթղթերը և նրա սթափության վիճակը ստուգելուն միջամտելու նպատակով՝ քաջել են պոկել է պարեկային ծառայության աշխատակցի համազգեստին ամրացված, վերջինիս հսկողության տակ գտնվող տեսագրող սարքը և նետել փողոցում՝ վնասելով այն:

Այդ ընթացքում Մ.Յ.-ն սպառնացել է վնասել պարեկներին ծառայողական նպատակներով հատկացված «Շկոդա» մակնիշի ավտոմեքենան, ապա բռնել է նրանցից մեկի համազգեստից, քաջքռուկ, հարվածել նրա գլխարկին, ինչպես նաև իրել է մյուս պարեկին:

Ձեռք բերված բավարար փաստերի հիման վրա՝ Կապան քաղաքի հիշյալ բնակիչներից մեկին մեղադրանք է ներկայացվել՝ ՀՀ քրեական օրենսգրքի 452-րդ հոդվածի 2-րդ մասով, մյուսին՝ ՀՀ քրեական օրենսգրքի 452-րդ հոդվածի 1-ին մասով: Նրանցից մեկի նկատմամբ որպես խափանման միջոց է կիրառվել գրավը, մյուսի նկատմամբ՝ բացակայելու արգելքը:

Նախաքննությունն ավարտվել է, քրեական վարույթի նյութերը մեղադրական եզրակացությամբ, ուղարկվել են հսկող դատախազին՝ հաստատելու և դատարան ուղարկելու համար:

Քննչական կոմիտեն չէր բացահայտել, թե ով է Գ.Փ.-ն, սակայն «ժողովուրդ» օրաթերթը պարզեց, որ նա Կապանի քաղաքապետ Գեորգ Փարսյանն է:

● Ըստ ոստիկանության տվյալների՝ հունիսի 3-ից 4-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 50 դեպք, որից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ԱԳՐԲԵՋԱՆԱԿԱՆ ԳՐՈՇ ՏՆԵՎԵՑ

Տավուշի մարզպետարանը հայտնում է, որ մայիսի 29-ին տեղի է ունեցել Տավուշի գյուղատնտեսական զարգացման ծրագրի ղեկավար կոմիտեի նիստ, որին մասնակցել են Տավուշի մարզպետ Յայկ Ղալումյանը, Ֆրանսիայի Օ-դը-Սեն դեպարտամենտի նախագահ Ժորժ Սիֆրեդին, Ֆրանսիայից ժամանած դեպարտամենտի խորհրդի անդամներն ու այլ աշխատակիցներ, Տավուշի մարզպետի աշխատակազմի ստորաբաժանումների մի շարք ղեկավարներ, Իջեան, Դիլիջան, Բերդ եւ Նոյեմբերյան համայնքների ղեկավարները, այլ հյուրեր: Նիստում Տավուշի մարզի «Զբոսաշրջության զարգացման գործակալություն» ՅԿ-ի նախագահ Սոս Խաչիկյանը ներկայացրել է Կիրանց բնակավայրի տնտեսական զարգացման նախագիծը, ինչի շուրջ եղել է ակտիվ քննարկում: 6,5 հեկտար տարածք սահմանազատման անվան տակ Ադրբեջանին են հանձնել հողեր, Կիրանցի բնակիչներին պատկանող, կադաստրից տրված 52 սեփականության վկայական կեղծ են համարել, Կիրանց գյուղի բարձունքում տնկվել է ադրբեջանական դրոշմ, հիմա Կիրանցի տնտեսական զարգացման նախագիծ են քննարկում: Կիրանցի բնակիչներն ապամոնտաժել են Կիրանցի խորհրդանիշ արժիվը: Եթե բնակիչները այն չպոկեին, ադրբեջանցիներն այն կպոկեին եւ դրանից շուրջ կարքեին: Կիրանցի դաշտեր ձգվող, գյուղի 30 հեկտար ցանկած հացահատիկի ցանքեր տանող միակ ճանապարհը հանձնվել է Ադրբեջանին: Կիրանցի նորակառուցյալ դպրոցի աշակերտներն կրթօջախի պատուհաններից տեսնելու են ադրբեջանցի անկյարներին: քանի՞ մարդ է իր երեխային Կիրանցի դպրոց ուղարկելու: Կիրանցում քանի՞ բնակիչ է մնալու, որ գյուղը տնտեսապես զարգացի: ԶՊ-ական իշխանությունը ձեռք է առնում հերոսական տարեգրություն ունեցող Կիրանցի բնակիչներին:

ԵՐԹԵՎԵԿՈՒՄ ԵՆ ԱԳՐԲԵՋԱՆՑԻ ԶԻՆՅԱԼՆԵՐԻ ԳԵՄ-ԳԻՄԱՑՈՎ

Մայիսի 23-ից փակ էր միջպետական ավտոճանապարհի Ոսկեպար-Բաղանիս հատվածը, որը ձգվում էր սահմանազոտով: Այդ պատճառով երթևեկը կատարվում էր Ոսկեպար-Բաղանիս շրջանցիկ՝ Յարսնաքարով ձգվող ավտոճանապարհով: Մայիսի 26-ի ջրհեղեղից Ալավերդիով ձգվող միջպետական ավտոճանապարհը քանդված է, ուստի Յարսնաքարով ձգվող շրջանցիկ ճանապարհը գերբեռնված էր աշխատում, այդ պատճառով էլ շրջանցիկ ճանապարհին մոտ 15 փոսեր էին առաջացել: Արդեն 3 օր է, ինչ բացվել է Ոսկեպար-Բաղանիս հիմնական ավտոճանապարհը, այդ ճանապարհով անցածներն ասացին, որ նախկինում ադրբեջանաբնակ Բաղանիս-Այրում գյուղի տարածքի կողքով անցնելիս ճանապարհի դիմաց նախկինում հայկական պաշտպանական դիրքերում այժմ ադրբեջանցի զինյալներն են տեղավորված, միջպետական ճանապարհով անցնողներն ադրբեջանցի զինյալներից ուղիղ զծով մոտ 100 մետր հեռավորությամբ են անցնում:

ՈՍԿԵՍ ՍԱՐԳՅԱՆ
Տավուշ

ՆՈՐ ԾՐԱԳԻՐ

ՄՏԵՂԾԱԳՐՈՒԹՅԱՆ ԱԿԱԴԵՄԻԱՅԻ ԱՌԱՋԻՆ ՀՈՍՔԸ

Երեւանի ֆաղափառեցարանը ստեղծել է նոր ծրագիր, որը նախատեսում է հասցեագրել ժամանակակից ստեղծագործների խնդիրները՝ ինֆոարտհայսման, միջուրսային կադերի հաստատման, գիտելիքի եւ հմտությունների ձեռքբերման հնարավորություն սալով: Մտեղծագրության ակադեմիա ծրագրի մեկնարկը կսրվի հուլիսին: Ծրագրի բաղադրատարրերն են՝ միջուրսային կիրառական գիտելիքի, արձակագիրների, դրամատուրգների, սցենարիստների եւ արվեստի ֆինանսների համար:

Ծրագիրը բաղկացած է մի քանի փուլերից: Ընդհանուր առմամբ հինգ անվանակարգերի համար (բանաստեղծություն, արձակ, դրամատուրգիա, կինոսցենար, արվեստի քննադատություն) հայտարարվում է ընդունելության մրցույթ մինչեւ հունիսի 15-ը, որին կարող են դիմել 18 տարեկանից բարձր 33 քաղաքացիություն ունեցող բոլոր ցանկացողները: Խմբերի ձեւավորումից հետո ոլորտի առաջատար մասնագետները դասընթացներ կմատուցեն ուսանողներին, որոնց կշնորհվի մասնակցության վկայագրեր:

Դասընթացները բաղկացած են լինելու 10 մասից:

Դասընթացներից հետո շրջանավարտները հնարավորություն կունենան մասնակցելու սույն ծրագրի շրջանակում հայտարարվող մրցույթին: Յուրաքանչյուր անվանակարգում ներառված են 3 անվանի մասնագետներ:

«Հատկանշական է, որ ծրագրի շրջանակում մինչեւ 150 մասնակից կստանան անվճար դասընթացների մասնակցելու հնարավորություն: Յուրաքանչյուր անվանակարգում ներառված են 3 անվանի մասնագետներ:

Շրջանավարտների մրցույթի մրցանակային ֆոնդը կազմում է 3 միլիոն ՀՀ դրամ: Լավագույն աշխատանքների հիման վրա կտպագրվի պատկերագրող գիրք, կնկարահանվի ֆիլմ, կբեմադրվի թատերական ներկայացում», - նշում են Ակադեմիայի նախաձեռնողները:

Ակադեմիայի մասնակցության վկայական ստանալու համար անհրաժեշտ է, որպեսզի մասնակիցը ներկա գտնվի 10 դասընթացներից առնվազն 8-ին: Վկայագիր ստանալուց հետո՝ մասնակիցը կարող է դիմել այս ծրագրի շրջանակում անցկացվող դրամաշնորհին:

Ստեղծագրական մրցույթը կանցկացվի բոլոր 5 անվանակարգերում: Հաղ-

ստեղծագրության ակադեմիա

ՄԵՐ ԴԱՍԱԽՈՒՄՆԵՐՆ ԵՆ

ՄԵՐ ԴԱՍԱԽՈՒՄՆԵՐՆ ԵՆ

ՀԱԿՈՐ ՄՈՎՍԵՍ

ԱՐՔՄԵՆԻԿ ՆԻԿՈՂՈՍՅԱՆ

ՄԵՐ ԴԱՍԱԽՈՒՄՆԵՐՆ ԵՆ

ԿԱՐԵՆ ԱՎԵՏԻՍՅԱՆ

թատերական ներկայացում», - նշում են Ակադեմիայի նախաձեռնողները:

Ակադեմիայի մասնակցության վկայական ստանալու համար անհրաժեշտ է, որպեսզի մասնակիցը ներկա գտնվի 10 դասընթացներից առնվազն 8-ին: Վկայագիր ստանալուց հետո՝ մասնակիցը կարող է դիմել այս ծրագրի շրջանակում անցկացվող դրամաշնորհին:

Ստեղծագրական մրցույթը կանցկացվի բոլոր 5 անվանակարգերում: Հաղ-

թողները կընտրվեն հանձնաժողովի կողմից:

Դասընթացները կամփոփվեն գալա համերգով, որը նախատեսված է սեպտեմբերին: Համերգային ծրագրի ավարտից հետո հաղթող հայտատուների աշխատանքները կուղարկվեն պատկերագրողներին, կինոռեժիսորներին, բեմադրիչներին՝ տեսլական ստանալու նպատակով:

ԱՆՆԱ ՍՈՒՊՊՈՒՆՅԱՆ

ՎԵՐԱԿԱՆԳՆՄԱՆ ԱՇԽԱՏԱՆՔՆԵՐ

ԳՆԱՑՔՆԵՐԻ ԵՐԹԵՎԵԿՈՒԹՅՈՒՆ

Մանահիի կայարանից մինչեւ Այրում կայարան երկաթուղային ենթակառուցվածքի վնասված 8 հասվածներից երկուսում գնացքների երթևեկությունը վերականգնվել է: Երթևեկությունը դեռևս սահմանափակ է արագությամբ եւ ցածրազանցի սեռակով:

Ներկայումս իրականացվում է Ալավերդի-Հաղպատ ճանապարհի փլուզված հատվածի մաքրում քանդված կառույցների պայթեցման եւ ապամոնտաժման միջոցով, տարածքների մաքրման եւ շինարարական տեխնիկայի համար մուտքի ճանապարհներ կառուցելու ուղղությամբ լայնածավալ աշխատանքներ են իրականացվում: Ավերված հատվածներից մեկի վրա կառուցվում է սանդղավանդ:

Ախթալա կայարանում ավարտվել են 230 մետր երկարությամբ էլեկտրահա-

ղորդման գծի, ինչպես նաեւ 400 մետր երկարությամբ կապի հենարանների եւ մալուխների վերականգնման աշխատանքները: Իրականացվել է նաեւ կայանի հատակի սարքավորումների ապամոնտաժում եւ վնասված կետերի:

Ավարտվել է կայանի արտաքին սարքավորումների կեղտից մաքրումը եւ վնասված ավտոմատացման սարքերի ապամոնտաժումը:

Միեւնույն ժամանակ, մատակարարվում են կյութեր եւ սարքավորումներ արտերկրից, պայմանագրեր են կնքվել, քարի մատակարարումներ են իրականացվում տարբեր քարհանքերից:

Այրում կայարանում ընթանում են նախապատրաստական աշխատանքներ եւ ներմուծվում են կյութեր եւ սարքավորումներ՝ նավթամթերքների ընդունմանը նախապատրաստվելու նպատակով: Նախա-

տեսվում է, որ Այրում կայարանի բազայի հիման վրա կկազմակերպվի Հայաստան բեռների ներկրման ժամանակավոր սխեմա:

Ընդհանուր առմամբ վերականգնման աշխատանքներում ներգրավվել է «Հարավկովկասյան երկաթուղի» ընկերության 265 աշխատակից: Ռուսաստանից գործուղված աշխատակիցների ընդհանուր թիվը կազմում է ավելի քան 30 մարդ:

«Կրացական երկաթուղիներ» ընկերությունից սպասվում են եւս մի քանի մասնագետներ:

Միեւնույն ժամանակ ընկերության մասնաճյուղի ջերմաքարը շարունակում է տեխնիկա եւ մարդկանց տեղափոխել ճանապարհներից կտրված Զարկով, Ճոճկան, Մեծ Այրում եւ Փոքր Այրում բնակավայրեր:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 10 պատահար. 14 մարդ ստացել է տարբեր աստիճանի մարմնական վնասվածքներ:



ԿԱՐԳ

ՀԱՐՑ. Ուզում եմ իմանալ՝ կուսակցության առաջին համագումարները երբ եւ ինչպես դեֆէ քուսարել: Հետաքրքիր է՝ ինչ չափանիւթներ, դահանգներ ու արգելքներ կան:
Կարապետ Մուրադյան (36 տարեկան)



ՊԱՏԱՍԽԱՆ. Հայտնում ենք, որ կուսակցության հիմնադիր համագումարը որոշումներ է ընդունում կուսակցության ստեղծման, կուսակցության ծրագրի ընդունման եւ կանոնադրության հաստատման, պետական գրանցման համար լիազորված անձի (անձանց), ղեկավար եւ վերահսկողություն իրականացնող մարմինների կազմավորման մասին, ինչպես նաեւ իր կազմից ընտրում է մշտապես գործող ղեկավար մարմնի ղեկավար (կամ ղեկավարի ժամանակավոր պաշտոնակատար): Կուսակցության ստեղծման մասին որոշումն ընդունվում է կուսակցության հիմնադիր համագումարին ներկա առնվազն 100 հիմնադիր միաձայն որոշմամբ: Կուսակցության ծրագրի եւ կանոնադրության հաստատման, պետական գրանցման համար լիազորված անձի (անձանց), ղեկավար եւ վերահսկողություն իրականացնող մարմինների ձեւավորման մասին որոշումներն ընդունվում են կուսակցության հիմնադիր համագումարին ներկա հիմնադիրների ձայների մեծամասնությամբ: Հիմնադիր համագումարի կազմակերպիչները հիմնադիր համագումարի անցկացման օրվանից առնվազն մեկ ամիս առաջ Հայաստանի Հանրապետության հրապարակային ծանուցումների պաշտոնական ինտերնետային կայքում <http://www.azdarar.am>, հրապարակում են կուսակցության հիմնադիր համագումարի անցկացման ժամանակի եւ վայրի մասին ծանուցում, ինչպես նաեւ կուսակցության կանոնադրության եւ ծրագրի նախագծերի հիմնական դրույթները:

«Կուսակցությունների մասին» 33 օրենք

«ԺՌՂՎՈՒՐՂ». Նշենք, որ կուսակցության՝ որպես իրավաբանական անձի իրավունակությունը ծագում է պետական գրանցման պահից, այսինքն՝ որպես սուբյեկտ՝ կուսակցությունը սկսում է իր գործունեությունը, ձեռք բերում իրավունքներ գրանցման պահից:

ՍՈՑԻԱԼԱԿԱՆ

ՀԱՐՑ. Խնդրում եմ ասել՝ երբ է մերժվում կենսաբուժական նշանակելը:
Հայկունի Պետրոսյան (60 տարեկան)



ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ կենսաթոշակ նշանակելը մերժելու մասին որոշում կայացվում է, եթե՝

- անձը չունի կենսաթոշակի իրավունք,
- կենսաթոշակի իրավունք ունեցող անձը, ըստ Հայաստանի Հանրապետության բնակչության պետական ռեգիստրում առկա տվյալների, հաշվառված չէ Հայաստանի Հանրապետությունում բնակության վայրի հասցեով,
- ներկայացված փաստաթղթերը եւ պետական կենսաթոշակային համակարգի տվյալների շտեմարանի տվյալները բավարար չեն անձին կենսաթոշակ նշանակելու համար:

33 աշխատանքի եւ սոցիալական հարցերի նախարարություն

«ԺՌՂՎՈՒՐՂ». Նշենք, որ կենսաթոշակ նշանակող ստորաբաժանումը կենսաթոշակ նշանակելու մերժելու կամ անձին կենսաթոշակ նշանակելու եւ լրացուցիչ փաստաթուղթ ներկայացնելու անհրաժեշտության մասին որոշում կայացնելու դեպքում հինգ աշխատանքային օրվա ընթացքում այդ մասին պատշաճ կարգով ծանուցում է կենսաթոշակ նշանակելու համար դիմած անձին՝ նշելով մերժելու պատճառները եւ որոշումը բողոքարկելու կարգը:

ԼՈՒՐ ԿԱՐԴ

Լուսանկարը՝ համացանցից



Շունը, կարծես թե, լավ գիտի քաղաքավարության կանոնները: Նախ՝ նա որոշել է երթուղայինով հասնել իրեն անհրաժեշտ վայրը, եւ հետո՝ դեռ մի բան էլ հատակին է հարմարվել՝ քաղաքացիներին նստելու տեղ տալու համար:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայկիստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+8 + 12 +22 + 26	☀	Արարատ	+16 + 18 +31 + 33
☀	Կոտայքի լեռներ	+8 + 12 +23 + 26	☀	Արմավիր	+16 + 18 +31 + 33
☀	Կոտայքի նախալեռներ	+15 + 17 +28 + 30	☀	Վայոց ձորի լեռներ	+8 + 11 +22 + 24
☀	Գեղարքունիք	+10 + 13 +21 + 24	☀	Վայոց ձորի նախալեռներ	+16 + 18 +31 + 33
☀	Լոռի	+9 + 13 +24 + 27	☀	Սյունիքի հովիտներ	+18 + 22 +29 + 32
☀	Տավուշ	+15 + 17 +28 + 31	☀	Սյունիքի նախալեռներ	+13 + 15 +25 + 28
☀	Արագածոտնի լեռներ	+9 + 13 +21 + 24	☀	ԼՂՀ	+13 + 14 +25 + 26
☀	Արագածոտնի նախալեռներ	+15 + 18 +28 + 31	☀	Երեւան	+23 + 25 +29 + 31

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 4.6.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: